



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 1. De Atheniensibus & Atticâ.

urn:nbn:de:hbz:466:1-13167

à Sunio Promontorio, ad Anthedonem, quæ reuocata ad magnum circulum ex eodem dat 750. stadia. *Longitudo* desumitur apud eundem à Cynosurâ Promontorio ad Argos Amphilochicum, quæ distantia dat 4. gradus maioris circuli cum dimidio, ac proinde secundum eius principia reddit 2250. stadia.

Qualitas ex sequentibus intelligetur.

§. 3. *De populis Achaiæ, seu Helladis.*

NVM. I. *De Atheniensibus & Atticâ.*

NOMEN. Priùs Attica dicta est *Ionia* ab Ionibus, qui pulsi ab Achæis, fugatis per Heraclidas ex Peloponneso, iunxere se Atheniensibus, quos iam affinitate contingebant. Vocata quoque est *Attia* ab *Aetæone*, *Mopsopia* à *Mopsopo*, *Cecropia* à *Cecrope* Rege (à quo & Athenienses *Cecropidæ*) *Ogygia* ab *Ogyge*, denique ab Attide Crane filia *Attis*, & *Attica*.

QUALITAS. Regio sterilior fuit, & petrosa, hinc à Pindaro *κρατερία* dicitur, ab eius interprete *χρηστός*, & *πετράδης*. Vnde factum est ut ab exteris non fuerint pulsi indigenæ. Abundabat tamen Melle quod Hymettum dicebant, à monte Hymetto. Hic quoque olea inuenta perhibetur: certè oleum Atticum celebrissimum est. *Ficus Atticas* quis ignorat, à quibus dicti *Sycophantæ*, qui prouidebant ne exportarentur. Hic quoque panis candissimus celebratur ab Athenæo.

MORES. Cicadas aureas in capite gestabant, vt ostenderent se Regionis suæ *αὐτόχθονας*, & *γυναικεῖς*. Litteras magni fecere, quare Attica dicta *τὰς σοφῶν οἰκουμένας*. Optimè & eleganter loquebantur Athenienses, vnde Parœmia, *Atticus lepos*. Excellentissimi fuere Naucleri, ideoque mari potiti sunt. Mortuos suos ferè sepeliebant, aliquando tamen comburebant. Sepeliebant olim in vrbe in propriis domibus, postea extra urbem ad viam Ceramicam, quâ itur ad Academiam. Excellentissimi fuere Musici. Ditisimí fuere, & deliciis circumfluebant ob Imperium maris. Reliqua de moribus ex Iulio Polluce, & Plutarcho in Solone repetes.

POLITIA. Habuit primū Reges Attica, deinde perpetuos Archontes, postea Decennales, denique Annuos. Democraticus hīc viguit status propositus à Solone in 4. ordines distributus ex

Parall. Geogr. Tom. II.

Ddd

censu. Ostracismus ab Atheniensibus excogitatus, virtutis perniciies, quo exulabat qui maximè retineri in vrbe debuerat: nomen habuit ab Ostreis in quibus nomina optimi cuiusque, atque excellentissimi descriebantur. Areopagitæ hīc iudicabant in foro, vel colle Martis (Areopagum dicebant) homines integerrimi, fucatæ orationis, & artificiosæ hostes. Cūm diu Mari potiti essent, à Lysandro deuicti sunt: atque ab eo tempore plura eis concessa sunt à Principibus propter celebritatem gentis, quā fortitudinem.

NVM. 2. *Megaris, & Megarenses.*

NOMEN. Fuit Megaris pars Atticæ, vt ex Plinio liquet, priusque *Nisea* dicta est, & incolæ Nisæi à Niso Pandionis filio, uno ex 4. cui pater Regionem hanc reliquit, à quo Nisa ciuitas condita est, quæ postea Megaris nominata est.

QUALITAS. Tota hæc Regio asperior fuit, atque Atticæ planè similis.

MORES. Megarenses aliquid de moribus Atheniensium, & Corinthiorum referebant ob Conuenas vtriusque gentis. Olim fure ditissimi, verùm seditiones ad ultimam inopiam eos redigere.

POLITIA. Olim Attici iuris fuit: postea Nisum habuere Regem: exinde Democraticus status in eam irrepit, cui successit Oligarchicus, oppressus s̄e ab Atheniensibus: tandem Romanis subditi, communem cum Græcis omnibus seruiere seruitur.

NVM. 3. *Bœotia, Bœoti, & Thebani.*

NOMEN. Dicta est olim *Aonia* ab Aone Rege filio Neptuni, vel ut alij malunt à Monte, aut à populis Aonibus. *Bœotia* autem vocata est, vel à Bœoto Neptuni filio qui sic dictus est, quia primùm natus Boum simo oblitus est à matre; vel certè nomen accepit à Boue, qui Cadmo dux extitit. Legitur quoque dicta *Messapia*, *Ogygia*, & Cadmeis à Ducibus variis.

QUALITAS. Regio hæc fertilissima fuit, sed aëre & cælo paulò crassiore ysa, vnde incolæ stolidi credebantur, *Bœotum in patriâ, crassōque sub aëre nati*. Multæ hīc cauernæ, atque specus, quare terræ motibus frequenter concutiebatur.

MORES. Oderant literas Bœotij: vino deditissimi erant, sacrificiis & superstitionibus addic̄tissimi. Apud eos nefas erat infantes